

Date – 01/01/2026
Time - 7:30 -7:40 Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. Chief Minister Pu Lalduhoma chuan, Mizorama ruihhlo (drug) a rem theih nana hmalak puiah Mizo mipuite a sawm.
2. Khawvel hmun dangte ang bawkin nizan zanlai dar 12 khan Mizoramah pawh kum 2026 lo thleng chu hlim leh lawm taka lo lawm a ni.
3. Mizoram Kohhran hrang hrang te chuan nizan, kumhluh thlah zan inkhawm kha urhsun takin an hmang a, nikum chhunga an member thi ta te sunna hun atan an hmang.
4. Kolasib Police te chuan an thudawn bawhzui in, nimin khan Kolasib bul Thingdawl Chhimveng huam chhung ah Burma Kuhva ro phurtu Truck leh a khalhtu an man.

<><><>

NEW YEAR GREETING

Vawiin hi kum 2026 chhunga ni hmasa ber January ni 1 a ni a, Akashvani news Aizawl ngaithatu zawng zawng te kum thar chibai kan buk cheu a, kumin hi in tana kum tha leh malsawmna dawn kum ni ngei turin duhsakna kan hlan baw a che u.

<><><>

CM

Chief Minister Pu Lalduhoma chuan, Mizorama ruihhlo (drug) a rem theih nana hmalak puiah Mizo mipuite a sawm.

Nizan khan Pu Lalduhoma hian Muanna Vengah TNT Family Night a hman pui a, he hunah hian Chief Minister chuan, hripui len lai khan ruihhlo a vang a, damdawi hman sual pawh a tlem nia sawiin, a aw loh chuan Drug hi a ngei theih a, chuvangin ruihhlo tih tlem a pawimawh tih sawiin, a tih tlem kawnga hmala turin mipui a sawm a ni.

Chief Minister chuan sorkar chuan ruihhlo do kawngah theihtawp a chhuah mek zel tih a sawi a, Central YMA nena tanghoin Tawngtai Bethel Camping Centre pawh din thar leh niin, Mizoram Synod nen Jordan Centre pawh tharthawh a nih tur thu a sawi baw.

Pu Lalduhoma hian TNT chu Mizoram pawn atang pawha mte ngaihven leh ngaihhlut a tling phak tih sawiin, pianphunga rualbanlo te pawh Pathian mitah chuan an hlu a. mitin hian hlutna leh mawina an nei vek a ni tih a sawi baw a ni.

Chief Minister hian TNT tan tanpuina a hlan nghal baw a ni.

<><><>

NEW YEAR CELEBRATION

Khawvel hmun dangte ang bawkin nizan zanlai dar 12 khan Mizoramah pawh kum 2026 lo thleng chu hlim leh lawm taka lo lawm a ni.

Mizoram khawpui ber Aizawlah chuan zanlaiah pawh meng an la tamin thawm a tha hle a, sorkarin halpuah leh halmawi khap mah se zawm a hlawh tha tawk lo. Zan dar 11:30 atanga zingam dar 12:30 bawr vel thleng chu khawpui chhungah halpuah ri a ringin halmawi hmuh tur a tam hle.

Aizawl ang bawkin Khaw hrang hrangah pawh halpuah leh halmawi hal an tam a, thu kan dawn chinah chuan Champhai District-ah boruak duhawm lo thleng hriat a la ni rih lova, Champhai Police station Lock Up-ah chuan hmeichhe pakhat (1) leh mipa pali (4) hren mek an ni.

Kohhran engemaw zatin vawiin hi Pathianni anga serhin Biak Inah hun an hmang ang a, kohhran thenkhat chuan kumthar lawmna ruai thehin zaninah an tiak nghal ang.

Serchhipah chuan nimin tlai ni tla thlahna hun hmun hnihah hman a ni a. Mizoram Aerosport Association ten paragliding thlawh chhuahna Keitum leh Serchhip inkara Bawngchawm tlângah hmangin, Serchhip khawhluh Kawlriah Heritage society ten Serchhip pawn lam mi zaithiam te nen an hmang a, Bawngchawm tlângah chuan tualchhung mi zaithiam te nen hman a ni thung a. Heng hmun hnihah hian programme siama hun hman a ni a. Serchhip Dist tlang sang dang khaw dang dang a niah te pawh thalai tlan khawmin hlim takin 2025 tlai ni tla hi an thlah liam a ni

Krismas boruak ang bawk khân ruahmanna tha tak hnuaiah Police, Excise leh YMA te khaw chhungah an duty hlawm a. Serchhipah hian Mizoram hmun thenkhat ang bawkin halpuah leh halmawi khap a ni chungin kumthar hlima a lawm nan ti a hal engemaw zat an awm a, a puak ring chi erawh a tam vak lo.

Vawiin hian Kohhran thenkhat chuan kumthar lawmna ruai an theh dawn a, Kohhran tam ber zawk erawh chuan vawiin ni serh anga hmangin inkhawm an nei ang a, naktukah kumthar lawmna ruai an theh zawk ang. Serchhipah hian khaw vawh dan hi degree Celsius 8 atanga 20 a ni tlangpui

<><><>

NEW YEAR'S EVE

Mizoram Kohhran hrang hrang te chuan nizan, kumhluh thlah zan inkhawm kha urhsun takin an hmang a, nikum chhunga an member thi ta te sunna hun atan an hmang.

Kum 2025 chhunga inkhawm hnuhnung berah hian, nikum chhunga kohhran chet velna hrang hrang ngaihthlak a nih bakah, kihhaan member thi ta te sun an ni a, chhiat tawk chung ten an ngaihlu in inkhawm pawh an thahnem hle.

Sunna hun bakah hian thupui ngaihthlak a ni bawk a, kohhran zaipawl ten hla an rem bawk. Inkhawm pangngai zawh hnuin kohhran thenkhat chuan zanlai inkhawm an nei leh a, zanlai inkhawm nei loa a lengkhawm zui an awm bawk.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

ARECANUT

Kolasib Police te chuan an thudawn bawhzui in, nimin khan Kolasib bul Thingdawl Chhimveng huam chhung ah Burma Kuhva ro phurtu Truck leh a khalhtu an man.

Truck chetsual hun hi tunkar Thawhlehi, December ni 30 kha niin thudawna chuan a sawi a, thil thleng chungchangah hian Kolasib Police Station-ah thubuai ziah luh a ni.

Burma Kuhva ro phurtu Truck hi MZ-05A/3192 niin, Driver hi Jobrul Islam (kum 23), Karimganj District, Assam a cheng niin a in chhal a. Kuhva ro hi buara ip (bag 167 a dah niin, Kg 13,360 a rit ni a hriat a ni a, tualchhung rate ah chuan cheng nuai 33 leh sing 4 hu ni a chhut a ni.

Driver Jobrul Islam-a'n a sawi dan in, heng Kuhva ro te hi Zemabawk leh Tuirial inkara hmun li (4) atangin hlan (loaded) a ni a, Kuhva neitu hian Lailapur, Assam-ah dah turin a phurh tir a, phurh man ah Rs. 80,000/- a pe niin a sawi bawk.

Kuhva phurh nana hman Truck leh Driver hi Kolasib Police Station-ah nizan khan kawl in, vawiin ni hian Kolasib District Court-ah hruai a ni ang.

<><><>

LOST & FOUND

Commerce & Industries Dept hnuai Aizawl New Market Office in a tarlan danin kumin chhunga Aizawl bazar huamchhunga thil bo report zat chu 64 a ni a, heng zinga thil bo hi a tam ber report dawn chu purse a ni a.

Aizawl New Market Office ah hian December thla bikah thil bo reprt dawn zat chu 18 niin thil tibo hmu let hi mi 4 an awm a, thil chhar report dawn zat chu 7 a awm a. Krismas leh kumthar vuakveta No Vehicle Zone buatsaihah Ni 23 khan New Market Office a thil bo report dawn zat chu 2 a ni a, ni 24 khan thil bo report dawn a ni lo. Heng thil tibo te hian an tihbona hmun tam ber chu New Market huamchhunga hmun lunlai A Lane-ah a ni a. Nimin bikah bike chahbi tibo report 1 dawn a awm bawk a ni.

Nimin kha kumina ni tawp ber niin mipui tam tak kumhlui thlah tur leh kumthar lawm tur an inbuatsaihna-ah Aizawl bazarah pawh sorkar ruahmanna-in Chanmari leh Zodin Square inkarah lirthei kal phal lohna No Vehicle Zone kalpui leh a ni.

Nimin khan a ni thumna atan No Vehicle Zone hi kalpui-in Aizawl New Market High Mast tualah mitthi an awm avangin nimin khan hemi chhehvela thawmhaw dawr leh dawr chi hrang hrang hmun engemawzat chu an inkhar a, chuti chung chuan mipui bazar tura veivak an thahnem hle a ni. Aizawl hmun bazar lun

laih chakkhai lam an tam hle a. Chhungkua leh thianhoa intihlim an tam avangin khawpui a lun hle a. Mi tam tak ke-in bazarah an kal a, Krismas hmaa No Vehicle Zone nena khaikhinin mipui hi an tlem phah chuang lo tih Akashvani Corr in a sawi.

No Vehicle Zone hian Emergency duty bakah, natna avanga Damdawi In pante a huam lo a. Coordination Committee on Traffic Management te chuan lirthei a chuang te chhukna tur bakah lirthei chi hrang hrang hunna tur ruahmanna an siam bawk a ni.



BIOMETRIC ENROLMENT

Home Minister Pu K Sapdanga chuan Myanmar leh Bangladesh atanga raltan Mizorama awm mekte chu ngawrh takin an biometric enrolment chu tih mek a nih thu a sawi.

He thu hi Akashvani Corr in a kawmnaah sawiin HM Pu K Sapdanga chuan raltante mit-naute leh kutzia hmanga chhinchhiah hna chu uluk leh ngawrh taka kalpui reng a ni, a ti a. Biometric enrolment an kalpui mek chu a zawh hun sawi theih a nih loh thu leh a nawlpui erawh chu peih fel tep a nih thu a sawi a ni.

Home department lam atanga thu dawn danin Mizorama Myanmar raltlan awm zat hriat theih hnuhnung ber 30,892 atanga chhutin za zela 70 chuang biometric enrolment zawhfel a ni tawh a, Aizawl leh Lunglei district-ah chuan Myanmar raltlan zawng zawng biometric enrolment lak khawm hna zawh a ni tawh a ni. Bangladesh atanga raltlan lo lut-te biometric enrolment pawh za zela 13 chuang zawhfel a ni tawh a, Serchhip, Lunglei leh Aizawl district a awmte zawhfel tawh ni-in an awm tamna ber Lawngtlai-ah erawh hna tan a la ni lo thung.

